

In III. Nocturno.

Añã. Nigra sum, * sed formósa, filiã Jerúsalem : ideo diléxit me Rex, et introdúxit me in cubiculum suum.

Psalmus rcb.

CAntáte Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter Gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii Géntium dæmónia : * Dóminus autem cœlos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in Géntibus quia Dóminus regnávít.

Etenim corréxit orbem terræ qui non commovébitur : * judicábit pópulos in æquitáte.

Læténtur cœli, et exsúltet terra, commovéatur mare, et plenitúdo ejus : * gaudébunt campi, et ómnia, quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Añã. Nigra sum, sed formósa, filiã Jerúsalem : ideo diléxit me Rex, et introdúxit me in cubiculum suum.

Añã. Trahe me post te, * in odórem currémus unguentórum tuórum : óleum effúsum nomen tuum.

Psalmus rcbj.

Dominus regnávít, exsúltet terra : * læténtur insulæ multæ.

Nubes, et caligo in circúitu ejus : * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cœli justítiam ejus : * et vidérunt omnes pópuli glóriam ejus. Confundántur omnes, qui adorant sculptília : * et qui gloriántur in simulácris suis.

Adoráte eum omnes Angeli ejus : * audívit, et lætáta est Sion.

Et exsultavérunt filiæ Judæ, * propter judícia tua Dómine :

Quóniam tu Dóminus altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámmini justí in Dómino : * et confitémini mémóriæ sanctificatiónis ejus.

Añã. Trahe me post te, in odórem currémus un-

guentórum tuórum : óleum effúsum nomen tuum.

Añã. Veni sponsa Christi, * áccipe corónam, quam tibi Dóminus præparávit in ætérnum.

Psalmus rcbij.

CAntáte Dómino cánticum novum : * quia mirabilia fecit.

Salvávít sibi dextera ejus : * et bráchium sanctum ejus.

Notum fecit Dóminus salutáre suum : * in conspéctu Géntium revelávit justítiam suam.

Recordátus est misericórdiæ suæ, * et veritátis suæ dómui Israel.

Vidérunt omnes términi terræ * salutáre Dei nostri.

Jubiláte Deo omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ corneæ.

Jubiláte in conspéctu Regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini : *

quóniam venit iudicare terram.

Judicabit orbem terrarum in iustitia, * et pópulos in æquitate.

Añã. Veni sponsa Christi, accipe coronam, quam tibi Dóminus præparavit in ætérnum.

V. Elégit eam Deus, et præelégit eam. **R.** In tabernáculo suo habitare facit eam.

Pater noster. **Absolutio.** A vñculis. **V.** Jube domine. **Benedictio.** Evangelica lectio.

Lectio sancti Evangelii secundum Matthæum.

Lectio vij. Cap. xxv.

IN illo tẽpore : Dixit Jesus discipulis suis parabolam hanc : Simile erit regnum cœlorum decem virgínibus : quæ accipientes lámpades suas exiérunt óbviã sponso, et sponsæ. Et reliqua.

Homília sancti Gregórii Papæ.

Homil. xij. in Evangelia.

Sæpe vos, fratres carissimi, admóneo prava ópera fugere, mundi hujus inquinamẽta devitare : sed hodierna sancti Evangelii lectiõne compéllor dicere, ut et bona quæ ágitis, cum

magna cautéla teneátis : ne per hoc quod a vobis rectum géritur, favor aut grátia humana requirátur : ne appetítus laudis subrépat, et quod foris osténditur, intus a mercede vacuétur. Ecce enim Redemptóris voce decem virgines, et omnes dicuntur virgines, et tamen intra beatitúdinis jánuam non omnes sunt recéptæ : quia eárum quædam, dum de virginitate sua glóriam foris expetunt, in vasis suis óleum habere noluérunt.

R. Hæc est Virgo sapiens quam Dóminus vigilántem invénit, quæ accéptis lámpadibus sumpsit secum óleum : * Et veniẽte Dómino, introivit cum eo ad nuptias. **V.** Média nocte clamor factus est, Ecce sponsus venit, exite óbviã ei. — Et.

Bened. Cujus, vel Quorum festum cólimus.

Lectio viij.
SED prius quæréndum nobis est, quid sit regnum cœlorum, aut cur decem virgínibus comparétur, quæ etiã virgines prudentes et fatuæ dicantur. Dum enim cœlorum regnum constat, quia re-

probórum nullus ingréditur, etiã fatuis virgínibus cur simile esse perhibétur? Sed sciéndum nobis est, quod sæpe in sacro elóquio regnum cœlorum præsentis tẽporis Ecclesia dicitur. De quo alio in loco Dóminus dicit : Mittet Fílius hóminis Angelos suos, et colligent de regno ejus ómnia scándala. Neque enim in illo regno beatitúdinis, in quo pax summa est, inveniri scándala póterunt, quæ colligántur.

R. Média nocte clamor factus est : * Ecce sponsus venit, exite óbviã ei.

V. Prudentes Virgines aptæ vestras lámpades. — Ecce. Glória. Ecce.

Bened. Ad societátem.

Lectio ix.

IN quinque autem cõporis sènsibus unusquisque subsistit. Geminátus autem quinárius denárius perficit. Et quia ex utrõque sexu fidélium multitúdo colligitur, sancta Ecclesia decem virgínibus similis esse denuntiátur. In qua quia mali cum bonis, et réprobi cum eléctis admixti sunt, recte similis virgínibus prudentibus et fatuis esse perhi-

bétur. Sunt namque plerique continentes, qui ab appetítu se exteriori custodiunt, et spe ad interiora rapiuntur, carnem mácerant, et toto desiderio ad supérnam pátriam anhelant, ætérna præmia expetunt, pro labóribus suis recipere laudes humanas nolunt. Hi nimirum glóriam suam non in ore hóminum ponunt, sed intra consciéntiam cõtegunt. Et sunt plerique, qui corpus per abstinentiam affligunt, sed de ipsa sua abstinentia humanos favores expetunt.

Te Deum. 20.

**AD LAUDES,
et per Horas, Añã.**

1. Hæc est Virgo sapiens, * et una de número prudentum.

Ps. Dóminus regnavit, cum reliquis. 21.

2. Hæc est Virgo sapiens, * quam Dóminus vigilántem invénit.

3. Hæc est quæ nescivit * torum in delicto : habébit fructum in respectiõne animárum sanctárum.

4. Veni elécta mea, * et ponam in te thronum meum, allelúia.

5. Ista est speciõsa * inter filias Jerúsalem.

Capitulum. 2. Cor. x. d
Fratres, Qui gloriatur,
 in Dómino gloriétur.
 Non enim qui seipsum
 commendat, ille probátus
 est : sed quem Deus com-
 mendat.

Hymnus.

Jesu coróna Virginum,
 Quem Mater illa cón-
 cipit,
 Quæ sola Virgo párturit :
 Hæc vota clemens áccipe.
 Qui pergis inter lília,
 Septus choréis Virginum,
 Sponsus decórus glória,
 Sponsisque reddens præ-
 mia.

Quocúmque tendis, Vir-
 gines
 Sequúntur, atque láudi-
 bus
 Post te canéntes cúrssi-
 tant,
 Hymnósque dulces persó-
 nant.

Te deprecámur súpplīces;
 Nostris ut addas sénsibus,
 Nescīre prorsus ómnia
 Corruptiónis vúlnera.
 Virtus, honor, laus, glória
 Deo Patri cum Filio,
 Sancto simul Paráclito,
 In sæculórum sæcula.

Amen.

¶ Diffúsa est grátia in
 lábiis tuis. ✠. Propterea
 benedíxit te Deus in ætér-
 num.

Ad Bened. Aña. Símile
 est regnum cœlórum * hó-
 mini negotiátóri quærénti
 bonas margaritas : invén-
 ta una pretiósá, dedit
 ómnia sua, et comparávit
 eam.

Oratio.

Deus, qui inter cétera
 poténtiæ tuæ mirá-
 cula étiam in sexu frágili
 victóriam martyrii contu-
 lísti : concéde propítius, ut
 qui beátæ N. Virgīnis et
 Mártiris tuæ natalítia có-
 limus, per ejus ad te exém-
 pla gradiámur. Per Dó-
 minum.

Alia Oratio.

Indulgéntiam nobis,
 quæsumus Dómine,
 beátæ N. Virgo et Martyr
 implóret : quæ tibi grata
 semper éxstitit et mérito
 castitátis, et tuæ profes-
 siónē virtútis. Per Dñum.
Pro Virgine non Martyre.

Oratio.

Exáudi nos Deus salu-
 tátis noster : ut sicut
 de beátæ N. Virgīnis tuæ
 festivitáte gaudemus, ita
 piæ devotiónis erudiámur
 afféctu. Per Dóminum.

**Si fuerint plures, ad Be-
 nedictus, Aña.** Prudéntes
 Virgīnes * aptáte vestras
 lámpanes : ecce sponsus
 venit, exíte óbviā ei.

¶ Adducéntur Regi Vir-
 gines post eam. ✠. Próxi-
 mæ ejus afferéntur tibi.

Oratio.

DA nobis, quæsumus
 Dómine Deus nos-
 ter, sanctárum Virgīnum
 et Mártirum tuárum N.
 et N. palmas incessábili
 devotiónē venerári : ut
 quas digna mente non
 póssumus celebráre, hu-
 mília saltem frequenté-
 mus obséquii. Per Dómi-
 num nostrum.

AD TERTIAM.

Aña. Hæc est Virgo sá-
 piens.

Capit. Fratres, Qui. *supra.*
 ✠. br. Spécie tua, * Et
 pulchritúdine tua. Spécie.
 ¶ Inténde, prospere procé-
 de, et regna. Et pulchri-
 túdine. Glória. Spécie.

¶ Adjuvábít eam Deus
 vultu suo. ✠. Deus in mé-
 dio ejus, non commové-
 bitur.

AD SEXTAM.

Aña. Hæc est quæ ne-
 scívit.

Capitulum. 2. Cor. xj.
Aemulatióne. Despón-
 di enim vos uni viro vir-
 ginem castam exhibére
 Christo.

✠. br. Adjuvábít eam,
 * Deus vultu suo. Adju-

vábít. ¶ Deus in médio
 ejus, non commovébitur.
 Deus. Glória. Adjuvábít.

¶ Elégit eam Deus, et
 præelégit eam. ✠. In ta-
 bernáculo suo habitáre
 facit eam.

AD NONAM.

Aña. Ista est speciósá.

Pro Virgine et Martyre.

Capitulum. Eccli. lj. b

Domine Deus meus,
 Dexaltásti super ter-
 ram habitatióne meam,
 et pro morte defluente de-
 precáta sum. Invocávi
 Dóminum Patrem Dómini
 mei, ut non derelínquat
 me in die tribulatiónis
 meæ, et in témpore super-
 bórum sine adjutório.

Pro Virgine non Martyre.

Capitulum. Sap. iv.

O quam pulchra est ca-
 sta generatió cum
 claritáte : immortalis est
 enim memória illius : quó-
 niam apud Deum nota est,
 et apud hómines.

✠. br. Elégit eam Deus,
 * Et præelégit eam. Elé-
 git. ¶ In tabernáculo suo
 habitáre facit eam. Et
 præelégit. Glória Patri.
 Elégit.

¶ Diffúsa est grátia in
 lábiis tuis. ✠. Propterea
 benedíxit te Deus in ætér-
 num.

IN II. VESPERIS.

Omnia ut in j. Vesperis [122] præter :

V. Diffusa est gratia in labiis tuis. R. Propterea benedixit te Deus in ætærum.

Ad Magnificat, Aña. Veni sponsa Christi, * accipe coronam, quam tibi Dominus præparavit in ætærum.

II. ALIÆ LECTIONES
PRO VIRGINIBUS.

In I. Nocturno.

Aliæ Lectiones pro Virgine et Martyre, ac pro Martyre tantum.

De libro Ecclesiastici.

Lectio j. Cap. ij.

Confitebor tibi Domine Rex, et collaudabo te Deum Salvatorem meum. Confitebor nomini tuo : quoniam adjutor et protector factus es mihi, et liberasti corpus meum a perditione, a laqueo lingue iniquæ, et a labiis operantium mendacium, et in conspectu astantium factus es mihi adjutor. Et liberasti me secundum multitudinem misericordie nominis tui a rugientibus, præparatis ad escam, de mani-

bus quaerentium animam meam, et de portis tribulationum quæ circumdedèrunt me : a pressura flammæ, quæ circumdedit me, et in medio ignis non sum aestuata : de altitudine ventris inferi, et a lingua coinquinata, et a verbo mendacii, a rege iniquo, et a lingua injusta.

R. Veni sponsa Christi, accipe coronam, quam tibi Dominus præparavit in ætærum : pro cujus amore sanguinem tuum fudisti, * Et cum Angelis in paradysum introisti. V. Veni electa mea, et ponam in te thronum meum, quia concupivit Rex speciem tuam. — Et cum Angelis.

Lectio ij.

Laudabit usque ad mortem anima mea Dominum, et vita mea appropinquans erat in inferno deorsum. Circumdedèrunt me undique, et non erat qui adjuvaret. Respicens eram ad adjutorium hominum, et non erat. Memorata sum misericordie tue Domine, et operationis tue, quæ a sæculo sunt : quoniam eruis sustinentes te Domine, et libera eos de manibus gentium.

R. Diffusa est gratia in labiis tuis : * Propterea benedixit te Deus in ætærum. V. Specie tua et pulchritudine tua, intende, prospere procede, et regna. — Propterea.

Lectio iij.

Exaltasti super terram habitationem meam, et pro morte defluente deprecata sum. Invocaui Dominum Patrem Domini mei, ut non derelinquat me in die tribulationis meæ, et in tempore superborum sine adjutorio. Laudabo nomen tuum assidue, et collaudabo illud in confessione, et exaudita est oratio mea. Et liberasti me de perditione, et eripuisti me de tempore iniquo. Propterea confitebor, et laudem dicam tibi, et benedicam nomini Domini. R. Specie tua. [130]

In II. Nocturno.

Ex libro sancti Cypriani Episcopi et Martyris de disciplina et habitu Virginum.

Lectio iv. Cap. ij.

Munc nobis ad virgines sermo est, quarum quo sublimior gloria est, major et cura est. Flos est ille ecclesiastici germinis, decus

atque ornamentum gratie spiritalis, læta indoles, laudis et honoris opus integrum atque incorruptum, Dei imago respondens ad sanctimoniam Domini, illustrior portio gregis Christi. Gaudet per illas, atque in illis largiter floret Ecclesie matris gloriosa fecunditas : quantoque plus copiosa virginitas numero suo addit, tanto plus gaudium matris augescit. Ad has loquimur, has adhortamur affectione potius quam potestate : non quod extremi, et minimi, et humilitatis nostrae admodum conscii aliquid ad censuram licentiae vindicemus ; sed quod ad sollicitudinem magis cauti, plus de diaboli infestatione timeamus.

R. Propter veritatem, et mansuetudinem, et justitiam : * Et deducet te mirabiliter dextera tua. V. Specie tua et pulchritudine tua, intende, prospere procede, et regna. — Et deducet.

Lectio v.

Neque inanis hæc cautio est, et vana formido, quæ ad salutis viam consulit, quæ Domnica et vitæ præcepta custodit,

ut quæ se Christo dicaverint, et a carnali concupiscentia recedentes, tam carne, quam mente se Deo voverint, consument opus suum magno præmio destinatum: nec ornari jam, aut placere cuiquam, nisi Domino suo, studeant, a quo et mercedem virginitatis expectant, dicente ipso: Non omnes capiunt verbum, sed illi quibus datum est. Sunt enim spadones, qui ex utero matris sic nati sunt: et sunt spadones, qui coacti sunt ab hominibus: et sunt spadones, qui seipsos castraverunt propter regnum cælorum.

R. Dilexisti iustitiam, et odisti iniquitatem: * Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et iustitiam. — Propterea.

Lectio vij.

Denuo quoque per hanc Angeli vocem continentia munus ostenditur, virginitas prædicatur. Hi sunt, qui cum mulieribus se non coinquinaverunt: virgines enim permanserunt: hi sunt qui sequuntur Agnum quocumque iterit. Neque enim tantum

mâsculis continentia gratiam Dominus repro-mittit, et feminas præterit: sed quoniam femina viri portio est, et ex eo sumpta atque formata est, in Scripturis fere omnibus ad protoplastum Deus loquitur, quia sunt duo in carne una, et in mâsculo simul significatur et femina. Quod si Christum continentia sequitur, et regno Dei virginitas destinatur: quid est illis cum terreno cultu, et cum ornamentis, quibus dum hominibus placere gestiunt, Deum offendent?

R. Afferentur Regi. [133]

In III. Nocturno.

Lectio sancti Evangelii secundum Matthæum.

Lectio vij. Cap. xix.

In illo tempore: Accesserunt ad Jesum Pharisei tentantes eum, et dicentes: Si licet homini dimittere uxorem suam, quacumque ex causa? Et reliqua.

Homilia sancti Joannis Chrysostomi. **Homil. lxxij. in Matth. sub medium.**

Ominus noster, quia ad virginitatem hortari grave esse videbatur, a necessitate

legis de non solvendo matrimonio, eos ad cupiditatem illius trahere studet. Deinde ut eam esse possibilem ostendat, sic inquit: Sunt eunuchi qui ex ventre matris ita nati sunt, et sunt qui ab hominibus eunuchi facti sunt, et sunt qui seipsos castraverunt propter regnum cælorum. Quibus verbis latenter eos ad eligendam virginitatem inducit, dum eam virtutem esse possibilem astruit.

R. Hæc est Virgo sapiens quam Dominus vigilan-tem invenit, quæ acceptis lampadibus sumpsit secum oleum: * Et veniente Domino, introivit cum eo ad nuptias. **V.** Media nocte clamor factus est, Ecce sponsus venit, exite obviam ei. — Et veniente.

Lectio viij.

ID autem hoc fere modo confirmat. Cogita tecum, si aut a natura talis esses, aut ab hominibus eam injuriam passus, quid faceres, cum et ejusmodi voluptate careres, et nullam carendo mercedem consequeris? Gratias igitur nunc Deo agas,

quod cum mercede atque coronis idem sustines, quod illi sine coronis ac premio tolerant: imo vero non idem, sed multo levius; tum quia spe erigeris, et conscientia recte facti; tum quia non ita ingentibus concupiscentia fluctibus jactaris.

R. Media nocte clamor factus est: * Ecce sponsus venit, exite obviam ei. **V.** Prudentes Virgines aptate vestras lampades. — Ecce. **Gloria Patri. Ecce.**

Lectio ix.

CUM ergo de illis eunuchis dixerit, qui nisi etiam ipsi mente se contineant, frustra et inutiliter tales sunt, ac de illis, qui ut regnum cælorum consequantur, se continent, subjunxit rursus, dicens: Qui potest capere, capiat: ut alacriores efficiat eo ipso, quod grave esse opus ostendit, et ineffabili benignitate sua noluit eam rem intra necessitatem legis concludere: idque dicendo, adhuc magis possibilem esse demonstret, ut voluntatis studium plus augeatur. Te Deum laudamus. 20.